

अब तो आज करके बाबा,
लीले सवारी रे,
तेरै होतां कईया बिपदा,
पड़ गयी भारी रे,
तेरै होतां कईया बिपदा,
पड़ गयी भारी रे ॥

तर्ज कुण जाणै आ माया श्याम री ।

चिड़कली भी चूच मारै,
जईया बाज है मारै रे,
मूसकड़ा भी चिखण लाग्या,
जईया बाघ दहाड़े रे,
मेरी लाज थां रै हाथां है-२,
थां री जिम्मेदारी रे,
तेरै होतां कईया बिपदा,
पड़ गयी भारी रे,
तेरै होतां कईया बिपदा,
पड़ गयी भारी रे ॥

आंख्यां स्यूं बस नीर ब्हवै छै,
हिवड़ो कल-कल रोवै रे,
देख दशा या म्हारी बाबा,
बोल तू कईया सोवै रे,
तनै तरस ना आवै म्हारी-२,

देख लाचारी रे,
तेरै होतां कईया बिपदा,
पड़ गयी भारी रे,
तेरै होतां कईया बिपदा,
पड़ गयी भारी रे ॥

आंधी चालै तूफां चालै,
नैया डिगमिग डोलै रे,
मौन रक्है सुण चीख आ म्हारी,
क्यों बाबा ना बोलै रे,
बण कै माझी पार लगा द्यो-२,
दरियो भारी रे,
तेरै होतां कईया बिपदा,
पड़ गयी भारी रे,
तेरै होतां कईया बिपदा,
पड़ गयी भारी रे ॥

तेरी मोर छड़ी रो जादू,
अब तो श्याम दिखा दे रे,
बिपदा म्हां री मेटण खातर,
बाण ही एक चला दे रे,
दुनिया भी देखै निर्मल री-२,
श्याम स्यूं यारी रे,
तेरै होतां कईया बिपदा,
पड़ गयी भारी रे,
तेरै होतां कईया बिपदा,
पड़ गयी भारी रे ॥

अब तो आज करके बाबा,
लीले सवारी रे,
तेरै होतां कईया बिपदा,
पड़ गयी भारी रे,
तेरै होतां कईया बिपदा,
पड़ गयी भारी रे ॥

स्वर संजय मित्तल जी ।
भजन रचयिता श्रीश्याम कृपा पात्र निर्मल जी ।
प्रेषक विवेक अग्रवाल जी ।
१०३८२८८८१५

Source: <https://www.bharattemples.com/ab-to-aaja-karke-baba-lile-sawari-re/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>